

## Á Mesa do Parlamento

**O Grupo Parlamentario dos Socialistas de Galicia**, por iniciativa das súas deputados e do seu deputado, **M<sup>a</sup> Soledad Soneira Tajés, Beatriz Sestayo Doce e Vicente Docasar Docasar**, a través do seu portavoz e ao abeiro do disposto no artigo 160 do Regulamento da Cámara, presentan ante esa Mesa a seguinte **Proposición non de lei en Pleno**.

### Exposición de motivos

En outubro de 2007 votouse a andar a “Obra Social de los Inmigrantes Españoles y sus Descendientes en la República Argentina” (OSPAÑA). Esta obra social creouse para dar unha saída económica ao Centro Galego de Bos Aires e dela formaban parte o Goberno de España, A Xunta de Galicia, a través da Fundación Galicia Saúde, o Centro Galego de Bos Aires e a colaboración e apoio das autoridades da República Arxentina.

Dende a súa constitución producíronse varios feitos: abandono da Xunta de Galicia do Centro Galego e do seu hospital, intervención da entidade pola xustiza arxentina, disolución da fundación Galicia Saúde, interferencia intolerable do Goberno galego no proceso electoral deste centro centenario, conculcación dos mínimos principios democráticos de representación, encomendando a voz do Centro Galego de Bos Aires a persoas que non ostentaban ningún posto de representación democrático na entidade e marxinando aos lexítimos representantes da masa social, e todo un longo proceso de abandono e de desprezo a unha das nosas principais e primeiras sinais de identidade como pobo, que deron como consecuencia a práctica desaparición do mesmo.

## Grupo Parlamentario

Pero si pensábamos que a Xunta de Galicia, e o seu presidente, non poderían incrementar o seu curriculum de agravios ao Centro Galego de Bos Aires, acabamos de coñecer a guinda para a súa liquidación definitiva e a súa entrega, gratis total, a intereses económicos bastardos alleos á entidade e co beneplácito de quen debera ter como primeira obriga a defensa dos intereses colectivos do país.

Hoxe sabemos que, por proposta do Goberno de España e da Xunta de Galicia, OSPAÑA deixa fóra dos seus estatutos ao Centro Galego de Bos Aires e incorpora a un “Agente de Seguro de Salud de la Mutual de Inmigrantes Españoles y sus Descendientes en la Argentina” que está constituído, basicamente, polos administradores nomeados no seu día para dirixir OSPAÑA. Con tódalas letras: un saqueo do patrimonio do Centro Galego de Bos Aires en beneficio de persoas individuais e concretas que se quedan con todo a custe cero. Todo isto co visto e prace da Xunta de Galicia e do seu presidente, e do Goberno de España.

Diante deste dramático escenario, o Grupo Parlamentario dos Socialistas de Galicia, presenta a seguinte Proposición non de lei:

“O Parlamento insta a Xunta de Galicia a:

- 1.- Prestar todo o apoio político, técnico e económico que fose necesario para que o Centro Galego de Bos Aires siga sendo o referente hospitalario, cultural e social da cidadanía residente na República Arxentina e unha das sinais de identidade de Galicia.
- 2.- Garantir a presenza do Centro Galego de Bos Aires nos órganos de representación política de OSPAÑA, para así garantir a súa supervivencia como centro hospitalario de referencia da cidadanía galega residente na República Arxentina.
- 3.- Promover, dende os órganos de dirección de OSPAÑA, tódalas accións que fosen precisas para a súa fiscalización e control e o cumprimento dos seus fins fundacionais e non como plataforma de intereses escuros.

**Grupo Parlamentario**

4.- Dirixirse ao Goberno de España para que faga seus as propostas recollidas nos tres primeiros puntos da parte resolutiva desta iniciativa.

Pazo do Parlamento, 6 de outubro de 2015

Asdo.: M<sup>a</sup> Soledad Soneira Tajés

Beatriz Sestayo Doce

Vicente Docasar Docasar

Deputadas e deputado do G.P. dos Socialistas de Galicia

Asdo.: José Luis Méndez Romeu

Portavoz do G.P. dos Socialistas de Galicia

**Asinado dixitalmente por:**

**María Soledad Soneira Tajés na data 07/10/2015 10:46:34**

**Beatriz Sestayo Doce na data 07/10/2015 10:46:44**

**Ricardo Vicente Docasar Docasar na data 07/10/2015 10:46:49**

**Jose Luis Méndez Romeu na data 07/10/2015 10:46:58**